

四庫全書存目叢書編纂委員會編

齊魯書社

四庫全書存目叢書

集部
第一四九冊

責任編輯：孫言誠 賀 偉

ISBN 7-5333-0615-5



EB43/11

四庫全書存目叢書·集部一四九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一四九冊目次

集部·別集類

醒後集五卷(存四卷)續集一卷

〔明〕盧維禎撰
首都圖書館藏明萬曆三十二年至三十八年續刻本

.....一

朱文懿公文集十二卷

〔明〕朱賡撰
湖北省圖書館藏明天啓刻本

.....一三八

王文端公詩集二卷奏疏四卷尺牘八卷

〔明〕王家屏撰
北京大學圖書館藏明萬曆四十年至四十五年刻本

.....四七一

溪山堂草四卷

〔明〕沈思孝撰
四川省圖書館藏明萬曆刻本

.....七二〇

醒後集五卷(存四卷)續集一卷

〔明〕盧維禎撰

首都圖書館藏明萬曆三十二年至三

十三年刻三十八年續刻本

附《四庫全書總目·醒後集五

卷續集一卷附京省次五卷》

提要

醒後集叙

張

左司徒瑞峰先生既致部事歸歸而
而又十餘年始裒其生平所撰著
文若詩付之剞劂命之曰醒後集
士彥小子受而卒業而因有感於
邯鄲盧生之事也夫邯鄲一夢既
憂樂榮悴升沈為一瞬語所謂有
大夢而後有大覺者此其人必沉
酣于富貴利祿之場及坎壈不遇
意乃迴腸改步思自濯淖而後也
迷悟于兩岐兮夢醒為先後庶幾
焉近之若先生束髮登朝父年
組策足清華之塗涉歷閭閻之澤
以韓昌黎氏所云大丈夫得志

特者之所為也乃集中所著文其
詩其通達國體引切事情名法家
之所不達其網羅古今得失之
林開劃鴻濛包羅之秘則雖單詞
隻字有老宿名德不能解其裝
者先生方視為天籟衆寡以無
得之其為夢語即醒語即世必有

醒後集叙

二

能知之者余獨謂先生既擅大覺
尤忌獨醒當司功秉銓時權相柄
國意不可一世人先生澄叙流品
黜陟賢愚有權相不能奪而善類
竟以保全者舉世無能知之乃先
生不汲汲自明一旦意不合輒辭
然引退視棄九列三事若敝屣然

者今讀其乞歸一疏及澠河多府
諸書入關諸詠直有鴻飛鳳翔之
槩杳之沉酣者不異論而嘵嘵
繳自別于鋪糟飲漓之流者烏足
以窺先生之大哉遂書之以為醒
後集弁

醒後集叙

友弟東臯子薛士彥叙

三



醒後集目錄

卷之一

奏疏

卷之二

公移

評駁

卷之三

詩

詩餘

雜著

醒後集目錄

四

卷之四

敘跋

頌碑

記紀

行狀

志銘

祭文

卷之五

書

啓

醒後集卷之一 奏疏

奏疏

題覆俯念微勞疏 驗封題覆

題為懇乞

天恩俯念微勞以光盛典事得巡撫甘肅兵部右侍郎侯東萊奏稱荷蒙特廕感激難勝但止有前經革廕男侯世恩一子並無

以次兒男乞要將新恩或仍與侯世恩承廕一節為照巡撫侯東萊久鎮西陲屢著勞績近因

閱視科臣查覈功次蒙 恩特廕一子據奏稱

止生前革廕子侯世恩一人仍乞復承新廕臣等竊惟侯世恩原因愚穉多病事体未諳聽憑

舍人撥置違禁馳驛致被參論革去原廕雖無

知幼男情有可恕但近奉

明旨法所難言或容臣等查取知兄弟姪孫男前來題請送監讀書惟復別 命臣等未敢擅便

伏乞

聖裁奉

聖旨侯東萊既有邊功伊男以幼小犯罪姑准仍承

一剝廕不為剝欵此

題輔臣給由疏

題為給由事看得太學士張四維挺身端慤許國忠勤

先朝進侍講廷勞已深於啓天

皇上簡參揆席志益殫於經綸一德以贊鴻猷和

而端庶政敷庸茂著聞望素崇既從一品

年考滿後職賜寵酬勞委難拘于常格但恩

出自朝廷臣等未敢擅擬伏乞

聖裁奉

聖旨張四維簡任密勿協贊忠勤茲一品滿考勞績

題後集卷一

茂著者加少傅兼太子太傅餘官照舊仍詹

入監讀書照新銜給與誥命欽此

題覆比例陳情疏

題為恭遇明詔比例陳情再乞天恩永隆聖

澤事看得中書舍人高循學奏稱遇詔請封

緣父高儀原任太子少保禮部尚書兼文淵閣

大學士贈太子太保謚文端所有恩典尚未題

給乞要比照先年高書王用賓事例將父在贈

官上進階一節為照太學士高儀原請不阿雅

有大臣之節公忠自許肅然先進之風三朝之

聞望素優一代之儀刑具在今伊子高循學遇

蒙恩詔比例照尚書王用賓事例陳乞進階查

王用賓係原任太子太保以恩例進光祿大夫

高儀係贈太子太保似有不同然贈官遇例進

階已經題准高儀原係閣臣尤當優異但光祿

大夫特恩出自朝廷臣等未敢定擬伏乞

聖裁奉

聖旨准他欽此

題覆黔國公乞復父爵疏

題為披瀝血誠再懇天恩以全微孝事看得鎮

題後集卷一

守雲南總兵官征南將軍黔國公沐昌祚奏稱

伊父沐朝弼先年被論為民安住南京病故乞

要復爵歸葬一節為照原任黔國公沐朝弼生

前過惡屢經參劾奉

旨安置為民其不可原之罪業已重懲今伊男沐昌

祚乞復父爵歸葬其不可已之情似當曲體且

勲舊重臣世守邊鎮合無姑准復爵安葬以布

曠蕩之恩但此係特典臣等未敢擅擬伏乞

聖裁奉

聖旨沐朝弼既已病故伊子陳情懇切姑准復原爵

欽此

題覆卹錄河臣疏

題為乞賜卹錄河臣以彰勸典事者得總督漕運提督軍務巡撫鳳陽等處地方兼管河道兵部尚書兼都察院左副都御史凌雲翼題稱管河郎中加陞四品服俸余毅中河務過勞在工病故乞贈三品京堂職銜仍量廕一子一節為照管河郎中余毅中督工勞瘁竟致殞身生前叙遷既准於四品京堂內推用今以死勤事情可矜憫委宜破格加贈所據廕子本部向無事例

應覆奏奉

難以輕議既經河漕尚書凌雲翼具題前來相應覆請合候

命下將余毅中於三品在京堂上官內量贈一銜以示優恤但恩典出自朝廷臣等未敢定擬伏乞

聖裁奉

聖旨余毅中准贈太僕寺卿欽此

題覆再瀝悃誠疏 考功題覆

題為再瀝悃誠乞賜罷斥以安愚分事看得原任禮部左侍郎兼翰林院侍讀學士今陞南京禮部尚書林士章奏稱自揣謏劣乞要罷免一節

為照本官德性溫醇文學充蔚且年力正堪倚

用以故南京禮部尚書缺臣等會議推舉隨蒙

簡擢近兩被人言自陳求去又荷

聖明洞察俱留供職今奏稱既經論列憂危成疾懇

求罷免似難准從合候

命下行令本官仍遵照

前旨赴任供職以圖報稱但大臣進退出自

朝廷臣等未敢定擬伏乞

聖裁奉

聖旨是林士章著遵旨赴任供職欽此

應覆奏奉

題覆亟慶異常貪酷州官疏

題為乞賜亟慶異常貪酷州官併議革稅票以釐

塩法夙弊事看得巡按山西監察御史房震參

論固原州知州牛希尹橫肆貪殘人心共憤乞

亟亟行提問盡法處治并乞將花馬二池塩引

議定紙價貯庫類解南京戶部關請引目再不

許給票引又該巡撫陝西地方都察院右僉

都御史李允德參劾知州牛希尹貪酷大著所

當為民仍應提問原任平利縣知縣今陞瀋陽府

審理張極原任紫陽縣知縣今陞山西渾源州

知州閻博華陰縣知縣宋柱石俱壞操持均崇
 嚴斥渭南縣知縣柳明柔懦昏庸所當降調開
 散及稱渭南縣地廣事繁刀頑難治乞選精明
 練達及甲科內銓補各一節除鹽引一事係隸
 戶部掌行移咨徑自議覆外為照固原州知州
 牛希尹侵欺枉法之贓甚至二萬三千餘兩獄
 中杖下死於非命者至數十人罪不可宥合照
 貪酷例為民仍亟行提問原任平利縣知縣張
 極才本庸劣行復貪汙原任紫陽縣知縣閻博
 恣意科求又虧官守華陰縣知縣宋柱石多方
 罰取盡喪廉隅俱合照貪例為民渭南縣知縣
 柳明容奸廢事豈堪牧民但其年力正強操持
 未肆合照才力不及例降調開散既經巡鹽御
 史及巡撫都御史論劾前來相應覆請合候
 命下將牛希尹先行革職為民容臣等移咨都察院
 轉行彼處巡按御史將奏內所劾賍私人命嚴
 加提問果一一皆實從重論追賍完結張極閻
 博宋柱石俱革職為民柳明降調開散本部仍
 移咨巡撫都御史及咨都察院轉行巡鹽御史
 各查照施行遺下各員缺另行銓補其渭南知

縣乞要甲科方今用人不拘資格本部亦
 明練達一員選補不必拘定再照各官賢否
 按巡訪所見更切與各差御史住扎窩遠者不
 同近來有經各差御史論劾而本省撫按全不
 言及者非隱護不舉則蒙蔽不知委非法紀但
 查陝西巡撫李堯德論劾牛希尹等疏與巡按
 劾疏相去止有九日先任陝西巡按張憲翔
 故新差巡按龔懋賢尚未到任俱有可原以
 如有此等若無別故容臣等訪實指名奏
 聖旨牛希尹張極閻博宋柱石都照貪酷例革職
 民牛希尹還着巡按御史提了將貪賍事情一
 從實問擬具奏柳明降一級調開散用李堯德
 續有劾奏姑免查究近來被劾官員賍私動以
 萬計及至勘問得實的十無二三其犯法法
 財盡與除豁以致懲貪法紀犯者踵至今後真
 這等的着兩京科道官訪下并巡按官一併
 欽此

題覆議嚴察吏疏

題為肅陳一二利弊以便地方事看得巡撫福建
 都御史勞堪條陳事件有裨吏治合就開列

件議擬上 請定奪 一議嚴禁吏

前件臣等看得巡撫福建都御史勞堪議要分別撫按司道等官蒙蔽之罰定為條格以息貪風一節為照司道各府州縣庇護所屬欺誤上官長貪縱惡貽害不淺先該科臣秦耀拱臣楊淳條陳臣等議覆奉

旨禁令申飭不啻再三豈惟撫按官當嚴行督察勿容欺蔽即臣等亦時加體訪不敢有所徇畏然貪墨之吏奸足彌縫力能反噬上官或喜其趨奉或容其饋送或畏其中傷或牽於情分已避

隱忍已成錮習若不嚴立條格以重罰治則弊習終不可殄所據都御史勞堪條陳前因誠為有見相應覆 請合候

命下通行各省直撫按以後將各屬官員責令司道府州縣正官嚴加訪覈從實開註中有貪肆不職者即發覺呈報以憑撫按官奏參處治若該州縣將所屬不職官隱蔽而該府發覺至二人以上州縣官以不及論該府將所屬不職官隱蔽而司道發覺至三人以上府官以不及論司道將所屬不職官隱蔽而撫按發覺至四人

上司道官以不及論撫按身居表率職在激揚若不能發覺司道等官臣等與該科訪實奏至五人以上撫按官亦以不及論庶格例詳明而積習可除責成嚴切而貪風可息矣伏乞

裁奉
聖上是欽此

題覆庸肆儒臣疏

題為庸肆儒臣不堪成均重任懇乞

聖明亟賜議處以昭公論以服士心事看得南京河南道試監察御史郭惟賢參論南京國子監祭

酒戴洵庸肆不職乞要罷斥南京禮科給事中

吳之羨參論提督操江兼管巡江南京都察院右僉都御史胡嘉謨才識疎庸行能淺薄南京國子監祭酒戴洵性資狂躁舉動乖方乞要各行罷斥又諛右僉都御史胡嘉謨自陳求罷各一節為照都御史胡嘉謨歷中外素著聲稱頃以風土不宜遂患劇病江防重務或難振揚祭酒戴洵筮仕儒林未聞譽議近乃任情不檢壞亂監規太學賢關豈堪表率但胡嘉謨才堪幹濟戴洵年正壯強既經南京科道官論劾前

因又該胡嘉謨自陳庸病懇求罷去相應酌議覆請合候

命下容令胡嘉謨暫回原籍調理聽用戴洵照例降調但去留出自朝廷臣等未敢定擬伏乞

聖裁

聖旨胡嘉謨着回籍調理戴洵調外任用欽此

題覆糾劾克校府官疏

題為克校府官誣陷平民虐斃多命乞賜罷斥

以肅紀法以雪冤憤事看得福建道監察御史

韓國禎叅劾原任臨洮府知府令聽降李邦佐

醒後集卷一

妄執盜情監斃數命乞要罷斥仍乞申明捕格

但有隱匿誣陷者務期盡法叅究各一節為照

原任知府李邦佐地方盜劫自合申報緝獲乃

始則推隱賊情求避失事之罰繼則誣執人罪

罔恤數命之冤蔑法殃民畧無忌憚若止降級

調用未足以盡其辜既經御史追論前來相應

復請合候

命下將李邦佐革職為民以為誣陷無辜者之戒臣

等訪得各府州縣官畏避捕格諱言賊盜每遇

地方失事百計寢匿以幸事之不發及至發覺

限獲輒又誣攀平民賠贖抵歸身家立喪慘酷

難伸故捕格雖嚴而行劫日甚所據御史韓國

禎欲要申明格例誠為有見合無以後隱匿不

報者查照兵部近題捕盜條格着實叅處如有

誣陷良民希圖釋罪者照依李邦佐事例論劾

究治奉

聖旨李邦佐推諉盜情誣人脫罪着革職為民今後

有犯的都照這例重處欽此

題覆查叅曠職臣工疏

題為遵旨查叅曠職臣工併乞宸斷請告官

醒後集卷一

員去留以明分義事看得吏科都給事中秦燿

等查叅順天府府尹朱卿太僕寺卿王宮用遷

延曠職要將朱卿查其果否真疾酌量議處王

宮用姑行督催并議今後內外大小臣工告病

乞休等項俱要覆請上裁各一節為照內外

百官凡有陳奏俱請上裁進退予奪非臣下

所得而專此分義也該科所言誠為正論但近

例官員陞遷嚴立期限且革水程如有違限量

其久近而輕重處之中間不無偶爾患病耽延

月日恐其犯例不得已具奏求退其或公論少

欽即行題覆 准其致仕其或才幹可惜初非
規避姑量寬月日行文督催赴任以前不可枚
舉近日京官戶部右侍郎胡執禮南京鴻臚寺
卿張佳胤外官廣東右布政使陞貴州左布政
使錢藻四川副使陞甘肅行太僕寺卿周大烈
各以病乞休皆少寬限督催各官借此調理不
至遽棄即科臣亦知相沿已久而科臣於遷除
各官原給劄付或因路途遙遠期限多有寬假
皆此意也若以此律部臣之罪則有餘辜以此
諒部臣之心願無別意況朱卿違限七日不在

題後集卷一

十二

問罪之例王宮用方幾二月止在問罪之例既

經科臣具題前因相應覆 請合候

命下將朱卿王宮用行文嚴催赴任如朱卿果病難

速愈王宮用若有別情俱聽具奏覆 請以後

遷除官員告病乞休俱行酌議題覆請自

上裁奉

聖旨是欽此

題覆被論部臣揭誣言官疏

題為被論部臣私揭誣陷言官仰乞

聖明重究以儆官和以定 國是事看得南京兵科

給事中李國觀等參論南京兵部車駕司郎

劉學朱捏造謠言揭帖誣陷言官乞要亟行

治仍要將江蘇浙江二省巡撫南京兵部

一終仍聽舉 南京兵部等官 監察御史李

士達等參論劉學朱捏造謠言揭帖誣陷言官

及要將江蘇浙江二省巡撫南京兵部等官

州道試監察御史劉佐奏稱庸劣望輕橫被

學朱匿名抵誣自乞先行罷黜仍乞部院

查訪如果匿名帖內所開是實即行盡法處

題後集卷一

十三

若係裝誣撫拾乞將劉學朱依律從重究懲

一節除江蘇浙江二省巡撫南京兵部等官

夫差撥係隸兵部移咨徑自議覆外為照原任

南京兵部郎中劉學朱近該南京試御史劉佐

參論緣由已經覆奉

欽依咨行南京法司查勘去後今據南京科道等官

各奏稱劉學朱捏造謠言揭帖裝誣劉佐若果

是實則劉學朱姦邪險惡豈容 清明之世合

行一併查勘其劉佐申言裝誣自求辭斥御史

風紀之官當聽勘明豈可因人校揭自生畏避

既經南京科道官及試御史劉佐各具奏前來相應覆請合候

命下行令劉佐照舊供職本部移咨南京法司將劉學朱匿揭事情一并從公勘實具奏照依原限八月終回銷奉

聖旨劉學朱既揭辯已事則不得謂之匿名惟裝託言官一節着南京法司一併勘明具奏劉佐照舊供職欽此

題覆縣官處事乖違疏

題為縣官處事乖違慮生他釁乞恩亟賜勘處以

醒後集卷一

十四

明職掌事看得太子少保南京兵部尚書潘季馴參論江浦縣知縣余乾貞原與江淮衛官夫相構將連年與該縣告爭丈地鄒厚等諱其水夫名色開報巡撫衙門訪拏及該衛具呈車駕司稟堂咨弔鄒厚等參送刑部催取干証九次該縣俱占愴不發又將水夫李曉等捏作別項名色陸續訪拏見今該衛水夫洵洵不寧乞要將余乾貞一併查勘早賜議處及稱江淮濟川二衛原屬南京兵部掌管以後水夫如有頑惡者該縣徑申本部究問不得以前改捏貫址混

申別衙門紊亂舊規如部司偏護各夫聽科道官參究各一節除江淮濟川二衛官夫先該南京科道議題咨行兵部議覆今當仍咨兵部併覆外為照江浦縣軍民雜處輯馭為難姑息則長奸構怨則啓釁今知縣余乾貞據劾訪報水夫多艷刑獄占愴干証屢次不發蔑視兩部危及司屬本官躁妄之失乖謬之罪自不容掩查劉學朱被論事情見在行勘余乾貞今劾前因本同一事合行一併查勘既經南京兵部尚書論劾前來相應覆請合候

醒後集卷一

十五

命下將余乾貞先行革任聽本部移咨南京法司衙門將所劾事情逐一從公併勘據實奏報定限本年十一月回銷員缺另行銓補奉

聖旨余乾貞革了任着南京法司一併從公勘明具奏不許徇私回護欽此

題覆給由州官隱匿和罰情節疏

題為給由州官隱匿和罰情節乞賜究處以肅政體事看得吏科都給事中秦耀等題奈山西岢嵐州給由知州謝明教前任保定縣知縣以積穀虛捏奉有欽依着以性捧和罰半年今

隱匿不開混作實俸乞要依律究處及將撫按司道該府各官俱量行罰治一節為照給由官員例該計算實俸內曾經罰俸者即將所罰月日扣除不另歷補足方准考滿今知州謝明教前任保定縣知縣報數曾經奉

旨著以陞俸扣罰半年此本官自知之自合扣補明白申請為當乃敢隱匿不報朦朧給由事屬奸欺法應究處巡撫辛應乾按劉士忠左布政使侯于趙帶管分守右叅政杜友蘭

隱匿集卷一

末

印分守僉事房如式知府孫化龍失察一節不能辭俱應量行罰治但事係前任本官隱匿一時無憑覺察既經該科題參前來相應覆請合候

命下將謝明教隱匿扣罰事情臣等移咨都察院轉行彼處巡按御史依律究問坐以應得罪名仍令扣除半年補足明白另行覈繳文冊以憑議處撫按司道等官俱行罰治惟復量其情節俯從寬宥奉

聖旨謝明教着巡按御史提了問撫按司道等官姑免究欽此

題覆庸劣具臣疏

題為庸劣具臣不堪理卿崇任懇乞

聖明亟賜罷斥以重大僚以勵臣工事看得南京吏科給事中吳琯論劾大理寺卿張夢鯉南京大理寺卿劉志伊各庸劣不職乞要罷斥或令致仕又該張夢鯉自陳求罷各一節為照大理寺卿張夢鯉先該科臣論劾臣等以人才難得似當留用覆奉

聖旨照舊供職無容別議南京大理寺卿劉志伊數歷多年素稱謹厚今科臣風聞論列遽令棄置

隱匿集卷一

十

亦有可惜相應覆請合候

命下行令張夢鯉遵前旨並劉志伊俱照舊供職勉圖報稱但進退出自朝廷臣等未敢定擬伏乞

聖裁奉

聖旨張夢鯉劉志伊都着策勵供職欽此

題覆貪肆部臣庇惡軍侵憲職懇乞

聖明亟賜罷斥以肅法紀以安地方等事看得南京刑部署部事南京禮部尚書劉斯潔等查勘

原任兵部車駕司郎中今聽勘劉學朱原無彩受指揮徐承宗欽送銀三百兩亦無分受徐承宗索鴈總識胡高等項賊銀原任應天府江浦縣知縣今聽勘余乾貞並無送禮沈主事及賄囑劉御史等情但二臣以撫按官樹藩籬劉學朱吊取縣問水夫添成材徑行釋放余乾貞暗報水夫訪拏斃命俱屬謬戾乾貞乘考察而揭害學朱學朱忿論列而五臨御史尤為險惡乞要一併罷斥一節為照原任郎中劉學朱原任知縣余乾貞各被論事已奉

聖旨

欽此

旨行勘令據南京法司吊取人卷逐一勘明劉學朱賊私余乾貞賄囑俱無實跡但一則並釋犯軍裝誣御史一則揭陷司屬係害水夫幸謬陰恠均難輕宥既經勘實具題前來相應覆請合候命下將劉學朱余乾貞俱照不謹例革職閑住奉聖旨劉學朱余乾貞都着革職帶閑住欽此

題議降俸陞任事例疏

題為遵旨酌議降俸陞任事例以一法守事近該本部覆吏科都給事中秦耀等題參沛縣知縣周治升隱匿降俸緣由節奉

聖旨

欽此

聖旨這降俸陞任事例你部裏還議畫一之法使人便於遵守欽此臣等謹議得在外降俸官員例必撫按官具奏開復方得考滿陞遷但其事情有輕重開復有難易如以錢糧不完積穀不及數降俸者可以責令追完若果災傷疲敝勢難完報戶部曾經覆准撫按官奏豁帶徵又如地方被盜失囚降俸者可以定限捕獲若果盜囚索竄終難緝捕兵部題行捕盜條格能擒別起強賊得准抵數贖免是其開俸有日考滿陞遷亦無妨礙惟以他事註誤致降俸級如開缺充濫決囚姑息及違例迎接參謁清丈推避等項撫按官難於具奏間有將他功准復者亦止一二各官在任雖久懲創雖深原俸未開終無考滿陞遷之望非惟人情未協實於事體未妥合無今後在外降俸官員除錢糧不完積穀不及數地方被盜失囚照舊待其追完捕獲撫按官具奏開復內有災疲難完及擒獲別賊亦聽撫按官照例題請其餘他事註誤罪有可原容令歷過三年滿日申請給由撫按官嚴加考覈平常不稱即行議處果係稱職准贖前過先與奏

復原俸然後給文考滿本部查訪酌量叙遷其
三年滿後降俸者撫按官查果勉脩職業著有
勤勞酌量具奏以憑議復如或仍前不悛據實
論劾毋得輕縱至遷官事發着於陞任俸內扣
降者雖係糧穀不完被盜失囚等項既經離任
勢難責成亦照他事註誤例施行庶人皆樂於
政圖而法可垂於永久伏乞

聖裁奉

聖旨是欽此

題覆議留賢能有司疏文選題覆

醒後集卷一

十

題為議留賢能有司以終惠新邑事看得巡撫江
西右僉都御史王宗載題稱要將瀘溪縣知縣
今陞邳州知州陳王廷以新任職銜服俸仍
管理瀘溪縣事待三年之後再有成績另議
用邳州員缺另行銓補各一節為照邳州素稱
冲煩年來水患河工得人尤急填知州員缺臣
等查得瀘溪縣知縣陳王廷俸及五年薦經二
次且諸考多云才守俱備疲劇有餘以故將本
官陞補今巡撫都御史議留本官以知州職銜
仍管縣事亦為有見但瀘溪固須才能邳州更

為緊要況本縣知縣已補張棟大造黃冊清覈
丁糧非大艱務自能料理既經具題前來相應
覆請合候

命下行令陳王廷仍照今陞邳州知州前去赴任管
事本部移咨巡撫都御史遵照施行奉

聖旨是欽此

題覆慎簡撫臣疏

題為瑣陳末議以少裨治道民生事看得刑科右
給事中牛惟炳條陳四事內議慎簡撫臣等
合就開列前件議擬上請伏乞

醒後集卷一

十一

聖裁 一議慎簡撫臣以肅風紀

前件看得刑科右給事中牛惟炳條議今後巡
撫有缺悉選兩京堂官以往及調之小省與別
省藩臬之長卓有才望者其不次超遷與本省
陞轉止可偶一行之邊方若腹臬則群情難孚
行事不便乞要俱為停止一節為照巡撫職任
最要遇缺會推選舉最為慎重或用京堂或調
各處巡撫或起廢或擇各藩臬正官或一時用
人緊急間將參政副使不次超擢或各省偶無
相應即將本省藩臬就近陞補蓋不惟其官惟